

8. gr.

Aðrir starfsmenn.

Um ráðningu annars starfsfólks fer eftir ákvæðum reglna fyrir Háskóla Íslands. Sé um að ræða ráðningu í starf, og ekki er gert ráð fyrir því starfsheiti í reglunum, fer stjórn stofnunarinnar eða forstöðumaður í umboði hennar með ráðningarmálið.

Stjórn Stofnunar Sigurðar Nordals setur nánari reglur um starfsmenn stofnunarinnar sem háskólaráð staðfestir.

9. gr.

Fjármál.

Tekjur Stofnunar Sigurðar Nordals eru eftirfarandi:

- a. fjárveitingar á fjárlögum,
- b. framlag frá Háskóla Íslands skv. ákvörðun háskólaráðs,
- c. styrkir til einstakra verkefna,
- d. greiðslur fyrir umbeðin verkefni,
- e. tekjur af útgáfu, námskeiðum, ráðstefnum eða annarri starfsemi,
- f. gjafir og aðrar tekjur sem stofnuninni kunna að berast.

Reikningshald stofnunarinnar er sjálfstætt en heimilt er að það sé hluti af reikningshaldi háskólans. Afrit fjárhagsáætlunar skal sent rektor og einnig ársuppgjör.

Sé um að ræða útselda þjónustu, sem veitt er í samkeppni við einkaaðila, skal sú starfsemi fjárhagslega afmörkuð frá öðrum rekstri stofnunarinnar og þess gætt að sá rekstur sé ekki niðurgreiddur með öðrum tekjum, svo að gætt sé ákvæða samkeppnislaga.

10. gr.

Reglur þessar, sem háskólaráð hefur sett á grundvelli heimildar í 2. mgr. 19. gr. laga nr. 41/1999 um Háskóla Íslands, sbr. 26. gr. reglna nr. 458/2000 fyrir Háskóla Íslands, öðlast þegar gildi. Jafnframt fellur úr gildi reglugerð nr. 410/1986 fyrir Stofnun Sigurðar Nordals, sbr. ákvæði til bráðabirgða (9) í reglum nr. 458/2000.

Háskóla Íslands, 14. september 2001.

Páll Skúlason.

Þórður Kristinsson.

AUGLÝSING

um breytingu á auglýsingu nr. 69, 25. janúar 2001, um lista yfir viðurkennd ríki utan Evrópska efnahagssvæðisins sem heimilt er að flytja inn sjávarafurðir, afurðir vatna og eldisfiska frá.

1. gr.

2. gr. auglýsingarinnar orðist svo: Heimilt er að flytja inn sjávarafurðir, aðrar en þær sem tilgreindar eru í 4., 5. og 6. gr. frá neðangreindum ríkjum. Innflutningur er aðeins heimill frá þeim framleiðendum og vinnsluskipum sem eru á skrá Fiskistofu yfir viðurkennda aðila.

Albanía	Gana	Litháen	Óman	Taíland
Argentína	Gvatemala	Madagaskar	Pakistan	Taívan
Ástralía	Indland	Malasía	Panama	Tansanía
Bangladess	Indónesía	Maldíveyjar	Papúa Nýja Gínea	Tékkland
Brasilía	Íran	Marokkó	Perú	Túnis
Chíle	Jamaíka	Máritanía	Pólland	Úganda
Eistland	Japan	Máritíus	Rússland	Úrúgvæ
Ekvador	Kanada	Mexíkó	S-Afríka	Venesúela
Falklandseyjar	Kína	Namibía	Senegal	Víetnam
Filippseyjar	Kólobía	Nikaragúa	Seychelleseyjar	Yemen
Fílabeinsströndin	Kúba	Nígería	Singapúr	
Gambía	Lettland	Nýja-Sjáland	S-Kórea	

2. gr.

3. gr. auglýsingarinnar orðast svo: Heimilt er að flytja inn sjávarafurðir, aðrar en þær sem tilgreindar eru í 4., 5., og 6. gr. frá neðangreindum ríkjum. Innflutningur er aðeins heimill frá þeim framleiðendum og vinnsluskipum sem hafa fengið viðurkenningu lögbærra yfirvalda í viðkomandi ríki. Skulu allar sendingar frá ríkjunum sæta eftirliti á landamærastöðvum, sbr. reglugerð nr. 849, 14. desember 1999, um eftirlit með innflutningi sjávarafurða, með síðari breytingum.

Algería	El Salvador	Hondúras	Kýpur	Sankti Pierre og Miquelon
Angóla	Erítrea	Hong Kong	Malta	Simbabwe
Antígva ¹	Fidjeyjar	Hvíta Rússland	Mayotte ⁴	Slóvenía
Aserbaídsjan ²	Franska Polynesía	Ísrael	Mósambík	Srí Lanka
Bahamaeyjar	Gabon	Kamerún	Myanmar	Súrínam
Bandaríkin	Gínea Conakri	Kenía	Nýja Kaledónía	Sviss
Barbúda ¹	Grenada	Kongó ⁵	Rúmenía	Tógó
Belís	Grænland	Kostaríka	Salómonseyjar	Tyrkland
Benín	Hollensku Antillaeyjar	Króatía	Sankti Helena	Ungverjaland ³

¹ Aðeins heimilt að flytja inn ferskan fisk.

² Aðeins heimilt að flytja inn kaviar.

³ Aðeins heimilt að flytja inn lifandi sjávardýr til manneldis.

⁴ Einungis er heimilt að flytja inn óunnar ferskar sjávarafurðir.

⁵ Aðeins heimilt að flytja inn sjávarafurðir sem eru veiddar, frystar og fullpakkaðar á sjó.

3. gr.

Ákvörðun þessi er tekin á grundvelli 22. gr. laga nr. 55, 10. júní 1998, um meðferð vinnslu og dreifingu sjávarafurða, með síðari breytingum og tekur þegar gildi.

Sjávarútvegsráðuneytinu, 25. september 2001.

F. h. r.

Arndís Á. Steinþórsdóttir.

Pórir Skarphéðinsson.